

Ո Ր Ո Շ ՈՒ Մ թիվ-314
վարչական տույժ նշանակելու մասին

«20» հոկտեմբերի 2021թ.

ք. Երևան

ՀՀ պետական եկամուտների կոմիտեի իրավաբանական վարչության պետ Ա.Մնացականյանս, քննելով ՀՀ Ենար Ֆուդ>> ՍՊ ընկերության տնօրեն Զհանգիր Ապրեսյանի վերաբերյալ նյութերը.

Պ Ա Ր Զ Ե Ց Ի

2020 թվականի դեկտեմբերի 26-ին ՀՀ Ենար Ֆուդ>> ՍՊ ընկերության կողմից, թիվ 05100022/261220/0029491 տարանցման հայտարարագրով ՀՀ ներմուծված 22230 կգ համաքաշով 21375 կգ զտաքաշով ՀՀ հավի քառորդներ բուդ սառեցված ոսկորով>> ապրանքը համաձայն ՀՀ ՊԵԿ 30.12.2020թ. թիվ 05/8-4/82586-2020թ. գրությամբ ժամանակավոր պահպանման իրականացման համար ի պահ է հանձնվել ՀՀ Ենար Ֆուդ>> ՍՊ ընկերության վարձակալած տարածքում՝ ք.Երևան, Արին-Բերդ 12 հասցեում: 2021 թվականի օգոստոսի 23-ին տեսազննման է ենթարկվել ապրանքի ժամանակավոր պահպանման վայրը, ինչի արդյունքում պարզվել է, որ ապրանքը նշված տարածքում չէ:

Փաստի առթիվ Զհանգիր Ապրեսյանի նկատմամբ ՀՀ մաքսային օրենսգրքի 198-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն:

Վարչական վարույթի շրջանակներում ժամանակավոր պահպանության տարածքի կազմակերպիչ անհատ ձեռներեց Վահան Մադունցը բացատրություն է տվել այն մասին, որ 2020 թվականի դեկտեմբերի 31-ին ՀՀ Վահան Մադունց>> Ա/Ձ-ն պահպանության է ընդունել ՀՀ Ենար Ֆուդ>> ՍՊ ընկերության 21375 կգ ՀՀ հավի քառորդներ բուդ սառեցված ոսկորով>> ապրանքը, ՀՀ Ենար Ֆուդ>> ՍՊ ընկերության ներկայացուցչին տեղեկացրել է որ կապարակքնման տարածքում տեղ չկա, ինչին վերջինս պատասխանել է, որ մաքսագերծման կարիք չկա, առաջարկել ապրանքը տեղավորել ընդհանուր տարածքում, քանի որ ապրանքը դուրս է հանելու կարճ ժամանակում: ՀՀ Ենար Ֆուդ>> ՍՊ ընկերության կողմից վերջին չափաբաժին ապրանքը դուրս է հանվել 20.01.2021 թվականին:

Զհանգիր Ապրեսյանը վարույթի շրջանակներում թղթային և էլեկտրոնային տարբերակներով ծանուցվել է գործի քննության վայրի և ժամանակի մասին, հրավիրվել վարույթին և գործի քննությանը, սակայն վերջինս չի ներկայացել: Գործի քննությունը կատարվել է նրա բացակայությամբ՝ հիմք ընդունելով ՀՀ մաքսային օրենսգրքի 219-րդ հոդվածի 2-րդ մասը:

ԵԱՏՄ մաքսային օրենսգրքի 2-րդ հոդվածի 41-րդ կետի համաձայն՝ «մաքսային հսկողություն»՝ մաքսային մարմինների կողմից կատարվող գործողությունների ամբողջություն, որոնք ուղղված են մաքսային կարգավորման ոլորտի միջազգային պայմանագրերի և (կամ) ակտերի ու մաքսային կարգավորման վերաբերյալ անդամ պետությունների օրենսդրության պահպանման ստուգմանը և (կամ) ապահովմանը:

ԵԱՏՄ մաքսային օրենսգրքի մասին պայմանագրի 14-րդ հոդվածի 1-ին կետի համաձայն՝ միության մաքսային տարածք ներմուծվող ապրանքները Միության մաքսային սահմանը հատելու պահից գտնվում են մաքսային հսկողության տակ:

ԵԱՏՄ մաքսային օրենսգրքի մասին պայմանագրի 14-րդ հոդվածի 7-րդ կետի 1-ին ենթակետի համաձայն՝ նշված հոդվածի 1-ին և 3-րդ կետերում նշված ապրանքները, որոնք չեն ճանաչվել որպես Միության ապրանքներ՝ գտնվում են մաքսային հսկողության տակ մինչև ԵԱՏՄ Օրենսգրքին համապատասխան՝ Միության ապրանքների կարգավիճակ ստանալը՝ բացառությամբ նշված հոդվածի 12-րդ կետով նախատեսված դեպքի:

ԵԱՏՄ մաքսային օրենսգրքի 98-րդ հոդվածի 7-րդ կետի համաձայն՝ այն անձինք, որոնք ունեն լիազորություններ ժամանակավոր պահպանման հանձնված ապրանքների նկատմամբ, իրավունք չունեն օգտագործելու այդ ապրանքները, այդ թվում՝ դրանք ժամանակավոր պահպանման վայրի տարածքից մինչև դրանց բացթողումն արտահանելու, իսկ եթե օտարերկրյա ապրանքները գտնվում են ժամանակավոր պահպանման տակ Միության մաքսային սահմանով ապրանքների տեղափոխման վայրերում, ապա՝ մինչև դրանց բացթողումը կամ Միության մաքսային տարածքից ապրանքների մեկնման համար մաքսային մարմնի թույլտվությունն ստանալը:

ԵԱՏՄ մաքսային օրենսգրքի 99-րդ հոդվածի 2-րդ կետի համաձայն՝ ապրանքների ժամանակավոր պահպանումը կարող է իրականացվել ազատ պահեստի տարածքում, ԱՏԳ տարածքում, ապրանքներն ստացողի շինություններում, պահեստներում, բաց հրապարակներում և այլ տարածքներում, ինչպես նաև սույն Օրենսգրքով կամ անդամ պետությունների՝ մաքսային կարգավորման վերաբերյալ օրենսդրությամբ սահմանված այլ վայրերում:

<<Մաքսային կարգավորման մասին>> ՀՀ օրենքի 123-րդ հոդվածի 5-րդ կետի համաձայն՝ Հայաստանի Հանրապետության սահմանով տեղափոխվող ապրանքները և տրանսպորտային միջոցները, ըստ մաքսային ընթացակարգերի, մաքսային հսկողության տակ են՝ «Մաքսային տարանցում» մաքսային ընթացակարգի դեպքում՝ Հայաստանի Հանրապետության տարածք ներմուծման պահից մինչև այդ տարածքից արտահանման պահը:

<<Մաքսային կարգավորման մասին>> ՀՀ օրենքի 128-րդ հոդվածի 1-ին մասի համաձայն՝ արգելվում է մաքսային հսկողության ներքո գտնվող ապրանքներն ու տրանսպորտային միջոցներն առանց մաքսային մարմնի թույլտվության մասնակի կամ ամբողջությամբ հանձնելը, օտարելը կամ ոչնչացնելը, ինչպես նաև ապրանքների և տրանսպորտային միջոցների բեռնումը, բեռնաթափումը, փոխաբեռնումը, փաթեթների վնասվածքների վերացումը, փաթեթների բացումը, փաթեթավորումը, վերափաթեթավորումը կամ այդ ապրանքների կամ դրանց ուղեկցող փաթեթների վրա դրված մաքսային ապահովման միջոցները փոխելը:

<<Մաքսային կարգավորման մասին>> ՀՀ օրենքի 154-րդ հոդվածի 4-րդ կետի համաձայն՝ ապրանքներ ստացողը պարտավոր է ապահովել ապրանքների պահպանության համար անհրաժեշտ պայմանները: Ստացողի ժամանակավոր պահպանության պահեստում ապրանքների նկատմամբ գործողություններ կարող են իրականացվել մաքսային մարմինների թույլտվությամբ: ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 198-րդ հոդվածի համաձայն՝ Մաքսային հսկողության ներքո գտնվող ապրանքներն ու տրանսպորտային միջոցներն առանց մաքսային մարմնի թույլտվության մասնակի կամ ամբողջությամբ հանձնելը, օտարելը, ոչնչացնելը կամ կորցնելը՝ առաջացնում է տուգանքի նշանակում՝ այդ ապրանքների և տրանսպորտային միջոցների մաքսային արժեքի հիսուն տոկոսի չափով:

Այսպիսով, գործի նյութերով պարզվել է, որ <<Հենար Ֆուդ>> ՍՊ ընկերության անվամբ թիվ 05100022/261220/0029491 տարանցման հայտարարագրով ներմուծված և ք.Երևան, Արին-Բերդ 12 հասցեում <<Հենար Ֆուդ>> ՍՊ ընկերության վարձակալած տարածքում ի պահ հանձնված մաքսային հսկողության ներքո գտնվող 22230 կգ համաքաշով, 21375 կգ զտաքաշով, 8531037 ՀՀ դրամ մաքսային արժեքով <<հավի քառորդներ բուդ սառեցված ոսկորով>> ապրանքը, առանց մաքսային մարմնի թույլտվության, ամբողջությամբ հանձնվել է, այսինքն՝ <<Հենար Ֆուդ>> ՍՊ ընկերության տնօրեն Զհանգիր Ապրեսյանը թույլ է տվել ՀՀ մաքսային օրենսգրքի 198-րդ հոդվածով նախատեսված մաքսային կանոնների խախտում, ինչը հիմնավորվում է թիվ 05100022/261220/0029491 տարանցման հայտարարագրով, ՀՀ ՊԵԿ 30.12.2020թ. թիվ 05/8-4/82586-2020թ. գրությամբ, 23.06.2021թ. թիվ 468 մաքսային տեսազննման ակտով և Վահան Մադունցի բացատրությամբ:

Վերոգրյալի հիման վրա և ղեկավարվելով ՀՀ մաքսային օրենսգրքի 198-րդ հոդվածով, 206-րդ և 221-րդ հոդվածներով,

Ո Ր Ո Շ Ե Ց Ի՝

1.Զհանգիր Ապրեսյանին (քնակվող՝ ք.Երևան, Կ.Ուլնեցու փ. 70/1 քն.15, անձնագիր՝ BA3191555) ճանաչել զանցառու ՀՀ մաքսային օրենսգրքի 198-րդ հոդվածով և նրան տուգանել թիվ 05100022/261220/0029491 տարանցման հայտարարագրով ներմուծված ապրանքի մաքսային արժեքի 50 տոկոսի չափով՝ 4265518 ՀՀ դրամ: /վճարումը 900005024055 հաշվեհամարին կող 19/:

2.ՀՀ մաքսային օրենսգրքի 221-րդ հոդվածի համաձայն՝ որոշումն ուժի մեջ է մտնում կայացման պահից, նույն օրենսգրքի 222-րդ հոդվածի համաձայն՝ վարչական տույժ նշանակելու մասին մաքսային մարմինների որոշումը վերադաս մաքսային մարմին (պաշտոնատար անձին) կարող է բողոքարկվել դա կայացնելուց հետո՝ 10 օրվա ընթացքում, ՀՀ վարչական դատավարության օրենսգրքի 72-րդ հոդվածի 1-ին մասին 1-ին կետի համաձայն՝ 2 ամսվա ընթացքում ՀՀ վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ